

- eksproprijacije privatnog vlasništva i uređenja građevinskog zemljišta u navedenom obuhvatu.
- Poboľjšati i definisati parking prostore i po mogućnosti planirati podzemne garaže.
- Opremanje infrastrukture, razdvojiti površinske od mješovite kanalizacije.
- Uzeti u obzir promjenu namjene objekata u skladu sa tržišnim trendom.
- Potrebno je izvršiti redefinisiranje i parcelaciju poslovnih objekata u nizu "Podrasadnik", ispod naselja Panorama.
- Definirati zelene površine sa sadržajem za odmor i rekreaciju, mobilijar itd.
- U toku izrade Plana, potrebno je da nosilac izrade izvrši tačno snimanje stanja postojeće fizičke strukture u okviru Plana i izradi tačnu urbanističku osnovu, te koriguje eventualne nedostatke u postojećim izmjenama Plana, a u skladu sa sugestijama nadležne službe, te razmotri primjedbe građana i svih zainteresovanih strana u toku javne rasprave. Plan izraditi u skladu sa važećim zakonskim i podzakonskim aktima za sve pojedine faze koje se odnose na ovu oblast, kao i u skladu sa važećim urbanističkim standardima i propisima za sve faze izrade Plana.
- Osim navedenog, potrebno je da nosilac izrade predloži i ostale neophodne sadržaje u skladu sa urbanističkim standardima i prostornim mogućnostima.

Član 6.

Regulacioni plan se donosi za period od pet godina od dana objavljivanja u „Službenim novinama Grada Goražda“.

Član 7.

Javna rasprava će biti održana u skladu sa Zakonom o prostornom uređenju i građenju Bosansko-podrinjskog kantona Goražde - Prečišćeni tekst ("Službene novine Bosansko-podrinjskog kantona Goražde", broj: 07/13,16/13, 06/15, 07/17).

Član 8.

Sredstva za izradu Plana bit će obezbjeđena iz sredstava koja se nalaze na računu za posebne namjene Grada Goražda.

Član 9.

Optimalni rokovi izrade Regulacionog plana su:

- Pribavljanje analitičko-dokumentacione osnove i idejno rješenje..... 30 dana,
- Izrada prednacrtu i utvrđivanje nacrtu 90 dana,
- Javna rasprava 30 dana,
- Izrada prijedloga RP..... 30 dana,
- Razmatranje i usvajanje plana..... 30 dana

Član 10.

Ova Odluka stupa na snagu osmog dana od dana objavljivanja u „Službenim novinama Grada Goražda“.

Broj:01-02-2-507
Goražde,07.02.2019. godine

PREDSJEDAVAJUĆA VIJEĆA
Jelena Mirković

2

Na osnovu člana 14. Zakona o zdravstvenoj zaštiti FBiH („Službene novine FBiH“ broj: 46/10 i 75/13), člana 65. i 66. Zakona o pravima, obavezama i odgovornostima pacijenata FBiH („Službene novine FBiH“, broj: 40/10) i člana 17. i 28. Statuta Grada Goražda, („Službene novine Grada Goražda“, br: 5/18), Gradsko vijeće Grada Goražda na sedamnaestoj redovnoj sjednici, održanoj dana 07.02.2019. godine, *donosi*:

ODLUKU o osnivanju Zdravstvenog savjeta

I PREDMET ODLUKE

Član 1.

Ovom Odlukom osniva se Zdravstveni savjet na području Grada Goražda (u daljem tekstu: Zdravstveni savjet).

Ovom Odlukom uređuje se nadležnost Zdravstvenog savjeta, broj članova i sastav Zdravstvenog savjeta, te način rada.

II POSLOVI I ZADACI ZDRAVSTVENOG SAVJETA

Član 2.

Zdravstveni savjet obavlja sljedeće poslove:

- predlaže i evaluira sprovođenje zdravstvene zaštite na području Grada Goražda,
- daje mišljenje na planove i programe zdravstvene zaštite na području Grada Goražda, te predlaže mjere za poboljšanje dostupnosti i kvaliteta zdravstvene zaštite na području Grada Goražda,
- prati primjenu propisa na području Grada Goražda koji se odnose na zaštitu prava i interesa pacijenata,
- organizuje obrazovne kurseve za građanstvo iz poznavanja materije o pravima pacijenata i postojeće legislative,
- daje preporuke za organizaciju kurseva u zdravstvenim ustanovama radi upoznavanja rukovodstva i zdravstvenih radnika s konceptom prava pacijenata, legislativom i odgovarajućim nužnim promjenama u zdravstvenim ustanovama,
- prati povrede pojedinačnih prava pacijenata na području Grada Goražda,
- predlaže preduzimanje mjera za zaštitu i unapređenje prava pacijenata na području Grada Goražda,
- obavještava Zdravstveni savjet u Kantonalnom ministarstvu o slučajevima težih povreda prava pacijenata koje mogu ugroziti život ili zdravlje pacijenata,
- Zdravstveni savjet donosi Poslovnik o svom radu kojim bliže uređuje organizaciju i način rada,
- podnosi Gradskom vijeću godišnji izvještaj o svom radu,
- obavlja druge poslove i zadatke u skladu sa Zakonom o pravima, obavezama i odgovornostima pacijenata, Zakona o zdravstvenoj zaštiti, kao i Poslovnikom o radu Zdravstvenog savjeta.

III BROJ ČLANOVA ZDRAVSTVENOG SAVJETA

Član 3.

Zdravstveni savjet na području Grada Goražda će brojati najmanje 9, a najviše 15 članova.

Član 4.

Zdravstveni savjet broji 9 članova koji se imenuju iz reda:

- Predstavnik pacijenata,
- Predstavnik Gradskog organa uprave,
- Predstavnik mladih,
- Predstavnik komora iz oblasti zdravstva,
- Predstavnik stručnih udruženja i nevladinog sektora,
- Predstavnik Crvenog krsta,
- Predstavnik zdravstvenih radnika iz zdravstvenih ustanova na području Grada Goražda,
- Predstavnik zdravstvenih radnika privatnih praksi i
- Predstavnik penzionera.

Popunjavanje Zdravstvenog savjeta iz prethodnog stava izvršit će se na osnovu raspisanog Javnog poziva.

IV MANDAT I NAKNADA ČLANOVA ZDRAVSTVENOG SAVJETA

Član 5.

(1) Članovi Zdravstvenog savjeta imenuju se na period od četiri godine, uz mogućnost reizbora.